

封邱縣志

王廣慶題



74641

QH150.119

32.36.2

3-1

開封府封邱縣爲重修省志以昭文治事康熙二十九年六月二十日蒙
巡撫河南等處地方提督軍務兼理河道都察院右副都御史閻 憲票照
得詩書雖缺必取信以師儒典禮不亡幸取徵於文獻故國有史邑有志所
以辨風俗稽戶口崇懿徽示法守也矧豫州居天下之中四方道里所均而
可殘佚不補哉本都院下車以來卽檄取各府州縣志細加繙閱其率略舛
謬十之七八卽欲令各府州縣重爲纂輯恐時絀舉羸故爾中止獨省志爲
八郡一州之綱省志修則綱領備而條目可以徐及但自我

皇朝順治己亥以後歷三十餘年未經續修若再因循則世遠言湮譜乘散
遺老成凋謝尙何從徵信耶乃於五月朔設局嵩陽書院敦聘 先達身任
其事而三十年來一應事蹟必須所屬地方博訪開列以憑考核爲此票仰

封邱縣官吏查照粘單事理親自採訪務在精詳毋得遺漏取駁未便文到
除將該縣舊志呈送外餘限十五日內造清冊報送立需付局慎毋遲延速
之慎之須票

康熙二十九年六月

日

封邱縣續志敘

先是前令朝城孟公奉

巡撫大中丞檄續修縣志延鄉先生內閣中翰方來李君論譔其書已有就緒而孟公卒於官余承乏其後屢奉

檄催念俗吏塵襟聞見寡淺惟先取舊志窺其梗概然後以續志互證之略加整齊以告成事乃舊志手筆極佳而核矣未嘗無謬詳矣未嘗不漏於余心種種不能無疑者續志悉取而訂正之如分野屬角亢氏房心五星劉光集爲光武征王郎時所過封邱之得名由封翟母墓潘店爲潘仁美故里因舛襲謬昭然如揭至誤讀通鑑黑山餘賊句於山川內附會載一黑山尤足供人一大噱者也雖然封之掌故猶不乏也封父之繁弱見左氏傳封父之

封邱縣續志

敘

一

開封新德印刷所承印

龜見禮記明堂位一爲諸侯之分器一爲天子之鎮寶夫非封土之所產乎而胡從來載筆者之未嘗一及也誠能使余假以優游需之歲月從一二先生長者後博綜羣籍徐相商確成書必更有進於是者惜中翰先生已宦遊京師余又執掌簿書未暇語此今止就中翰先生論譔草藁而少增刪潤色之釐爲五卷付之雕鐫冀幸率孟君之業以聊應憲檄而已若云毫髮無遺憾尙俟後之君子

崑

康熙三十六年歲在丁丑二月封邱縣知縣遼海耿紘祚序

封邱縣續志纂修姓氏

賜進士出身口郎內閣誥勅撰文書舍人李承紱纂修

文林郎封邱縣知縣朝城孟鏐監修

文林郎封邱縣知縣三韓耿紘祚增修

儒學教諭新鄉縣白受采參訂

儒學訓導柘城沈蒞

主簿曹稽婁兆獻校閱

典史青縣龔道遠

封邱縣續志

姓氏

開封新豫印刷所承印

封邱縣續志目錄

第一卷

圖 止存四幅

沿革

天文

四至

第二卷

建置 凡七條

城池

學校

河防

鄉鎮

公署

橋梁

倉庫

社學

第三卷

山川

古蹟

風俗

土產

塚墓

第四卷

寺觀

賦稅

職官

人物 凡七條

賢哲

封邱縣續志

目錄

一

開封新豫印刷所承印

科貢

援例

胥掾

方技

孝行

節列

第五卷

藝文

災祥

凡例

一舊誌已載不重出有須訂正增刪者亦無嫌于疣贅

一諸圖俱依現今規模繕寫與舊略異天文因非專家恐不免誤圖刪

一天文歷引諸誌而以歐陽公唐書爲斷不敢以臆說攙入

一境內原無黑山今正其誤竟刪

一境內古蹟見于諸史者今略增入

一人物增東漢一人餘以前誌未載者續入

封邱縣續志第一卷

圖

輿地之書莫不有圖蓋都鄙高下之殊形延袤廣輪之異勢文字所不能盡者假諸繪事以寫其象俾觀者一見而晰不啻身履其境而瞭然在目也稽諸周禮則司徒掌之職方亦掌之要惟求其核而確信而可傳而已矣既不
可遺所有而使之無亦豈可鑿所無而謂之有歟封志舊有九圖非不詳且
備也但封邱地不百里謂爲角亢氏房心五宿之分野其地四面坦平而謂
城北有黑山非訛則誤實滋後人之疑今以漢唐諸史考核刪定雖止存其
四而全封形勢大略可覩已

沿革

封邱古封父地見諸春秋傳者曰蟲牢黃池平邱長邱或屬衛或屬鄭皆其境內地戰國時屬大梁而青陵臺則又宋王所築秦郡縣天下茲地闕無考班氏志地理封邱之名始見封邱沿革當自漢始

漢武帝元狩元年置兗州陳留郡領縣十七封邱平邱居其二魏晉屬陳留國廢平邱拓跋魏真君九年併於酸棗景明二年復治封邱後齊廢封邱隋開皇十六年始復屬東郡唐屬河南道汴州陳留郡繁縣五代及宋屬開封府金屬開封府上留守司元屬南京路至元二十五年改汴梁路明屬河南布政使司開封府

皇清因之屬河南布政使司開封府

封邱縣續志

卷一

開封新豫印刷所承印

天文

史記天官書曰角亢氐兗州晉書天文志曰自軫十二度至氐四度爲壽星於辰在辰鄭之分野屬兗州唐書地理志曰鄭汴陳蔡潁爲壽星分封邱於漢晉屬兗於唐屬汴宜爲角亢壽星分野而唐書天文志更明著其文曰角亢壽星也初軫十度餘八十七秒十四少中角八度終氐一度自原武管城濱河濟之南東至陳留封邱夫固明言封邱矣封邱星土屬角亢壽星分野無疑舊云房心參入者非是

四至

周禮夏官形方氏掌制邦國之地域而正其封疆無有華離之地封邱中縣也而幅員偏側殊甚廣不八十里祥符地錯處者幾半袤約四十里去南郭

不數武悉祥符地矣絕補參差實有華離之象犬牙相入者固書不勝書也
今考正疆域惟列其壤地相接者

東至蘭陽縣界四十五里 南至祥符縣界三里至縣六十里 西至延津
縣界三十五里至縣四十里 北至滑縣界三十里至縣一百二十里 東
北至長垣縣界三十五里至縣六十里 東南至祥符縣界十里 西南至
陽武縣界五十里 西北至胙城縣界三十五里至縣八十里



封邱縣續志第二卷

建置

春秋書築者八書城者二十有九或創始或完舊雖時且義亦書見勞民爲重事也然澤門之暫固來興役之詛而渠邱恃陋浹辰而喪其三都是以書稱有備易贊設險苟有關於治理則均人鼙鼓固王政所不廢也要無失乎以佚道使民之意而自巨而細咸歷歷可述焉

城池

封邱城自漢有之

後漢書虞延傳光武東巡經封邱城門門下小不容羽蓋可徵也

歷代修築無考金大定

中河水湮沒遷治新城元初新城又爲河水所壞乃因故城遺址稍加完葺

而遷治焉

見元史

至正間又淪於水故明洪武元年再建土城成化二年知縣

封邱縣續志

卷一

一

開封新豫印刷所承印

王輔重修宏治二年復爲河圯十三年知縣袁仕增修始築護城堤正德六年知縣張守立五門樓城圍五里二十四步高二丈七尺廣一丈四尺池深九尺闊一丈三尺隆慶六年知縣李呈明始用磚石包修高三丈廣一丈九尺萬歷三年知縣胡以祚置五門吊橋三十六年知縣趙浩重修四十年知縣張鯉新東北門樓及橋四十三年知縣王策重修東門外橋

皇清順治九年河決城毀土壘幾盡居民蕩析官寄於鄉至十八年知縣屠粹忠始復治城中依其規模設法修築然高僅踰丈廣不及尋四門雖具村中柵耳康熙三十年知縣孟鏐重修四門建修城樓而城垣傾頽庫薄愈甚今知縣耿紘祚方以運柳羨金散窖陶磚有增高培薄之舉未知願力得繼與否而未雨綢繆誠不可緩也

學校

儒學在縣治東南建於唐武德時自是修建不可考至明洪武迄萬歷修建具載前志國朝自順治九年河水衝沒數仞宮牆簡冊禮器悉委波臣蕩然無遺矣二十年來漸次修復雖殿廡門垣規模粗立如其禮樂尙缺然未遑也前

大中丞閻公崇道右文以大事在祀典制宜詳凡樂章樂舞祭器樂器增置大備悉令與闕里誌相符又加意作人檄修義學延請老儒俾單寒之子窮鄉之士亦得絃誦詩書焉並詳書左以紀其盛

大成殿

五楹知縣王賜魁重修

東廡

知縣王賜魁重修

西廡

知縣屠粹忠重修

戟門

知縣岳峯秀重建

櫺星門

知縣岳峯秀重建

名宦祠

知縣屠粹忠重建

封邱縣續志

卷二

二

開封新豫印刷所承印

鄉賢祠

知縣屠粹忠重修

文昌閣

知縣屠粹忠重建

魁星樓

知縣屠粹忠重建

教諭謝徵予

白受采重修

啟聖祠

知縣王賜魁重建

明倫堂

知縣王賜魁重建

敬

一亭

知縣樊錫重命

教諭宅

在文廟西舊爲訓導宅訓導王綦重建宋作

采重

訓導宅

在文廟東訓導賀登選建沈葺重修

康熙二十七年十一月奉

都院閣

憲牌內開准禮部咨祠祭清吏司案

呈先經河南巡撫閻咨稱會典定例

文廟設立樂舞生若干名或府學州縣學數目各有不同并用何服伏乞部示等因本部隨劄行太常寺將

文廟樂舞生數目并服色查明送部去後今據該寺查送前來相應開單移咨河南巡撫知照可也嗣又奉府牌行內奉憲票查所屬各學樂舞生

之設俱照額定名數各項樂器俱令印官捐備不得派累民間等因該本縣知縣孟鏐仰遵

憲檄設立樂舞生六十四名捐備樂器等項嗣又蒙本部院閩 另疏具題各郡縣文廟樂器已經捐置但樂章仍用闕里誌所載舊章而樂舞亦未合式請頒發 國學樂章舞式並發教師三名至豫傳授該本縣知縣孟鏐謹將選中樂舞生六十四名行學朝夕演習期與闕里誌相符樂章樂器開列於左

樂章

迎神咸平之曲 無舞

大哉至聖 峻德宏功 敷文衍化 百王是崇 典則有常 昭茲辟雍

封邱縣續志 卷二

三

開封新豫印刷所承印

有虔簋簋 有嚴鼓鍾

初獻寧平之曲 有舞

覺我生民 陶鑄前聖 巍巍泰山 實予景行 禮備樂和 豆籩維靜
既述六經 爰斟三正

亞獻安平之樂 有舞

至哉聖師 天受明德 木鐸萬年 式是羣辟 清酒維醑 言觀秉翟
大和常流 英才斯殖

終獻景平之曲 有舞

猗歟素王 示予物軌 瞻之在前 弗遐有喜 酌彼金罍 惟瑤且旨
登獻維終 神其寧止

徹饌宣平之曲 無舞

鑒水淵淵 崇牙樂業 既歆宣聖 亦儀十哲 聲金振玉 告茲將徹

饌假有成 羹牆靡惕

送神咸平之曲 無舞

煌煌學宮 四方來宗 甄陶胄子 暨予微躬 思皇多士 敷奏厥功

佐予永清 三五是隆

望魁 曲合送神無舞

舊存祭器

鐵香爐十個 鐵花瓶一副 鐵燭臺一副 紬帳幔一個

知縣孟鏐捐俸續置祭器

封邱縣續志

卷二

四

開封新豫印刷所承印

犧尊一 象尊一 銅尊一 雷尊一 簠十二 簋十二 奠酒池一

焚帛爐一

樂器

康熙二十九年奉

部文設立樂舞生六十四名

知縣孟鏐捐俸置買樂器

金鐘十六 玉磬十二 琴二 簫一 笛二 排簫二 笙二 塤二

箎二 大鼓一 有架 搏拊鼓一 有座 祝一 敔一 龍翟三十六

簫三十六

知縣耿紘祚置買

麾旛一有架

旌節一有架

國朝欽頒書籍

日講四書解義日講易經解義日講書經解義孝經衍義文廟禮樂誌

義學

康熙二十七年六月奉 都院閫 憲票內開照得義學之設原以佐庠序之不逮不但郡城州縣貧寒子弟得親絃誦卽窮鄉僻壤農圃童蒙亦就琢磨誠化民成俗之急務振興文教之至意也所賴賢良有司實心力行方有裨益昨本院御

命飛馳甫入豫境見驛路道傍間或立有義學之牌其房屋頽塌牆垣廢缺

封邱縣續志

卷二

五

開封新豫印刷所承印

且中並無師儒直委之蔡莽而已足見有司各官徒事虛張全無實濟居官若此教化何賴合行嚴飭爲此票仰開封府官吏卽便轉檄所屬遍查從前義學諭令各州縣設法捐修房屋頽塌牆垣廢缺者量加整葺勿致風雨所侵延請齒高學優之儒酌給修脯以資養贍其有窮民無力者使之勉就訓誨俾得朝絃夕誦以善風俗該州縣如有實心舉行定以振起教化註以優考倘徒事虛文欺人耳目定行指參毋得泛視取咎未便等因該本縣知縣孟鏐仰遵 憲檄重修義學延請名師教誨貧寒子弟

在縣治西

河防

治河以隄防賈讓所謂最下策然自漢以來言人人殊究諸實見施行者舍是無所用其力封邱逼近洪流數與河伯爭此尺寸土非是亦無以奏厥功

則封邱河防可旦夕疏哉古黃河自大伾東北流入海漢武時河決頓邱遂漸南徙隋煬帝引河入汴引汴入河至宋熙寧而河遂南封邱河患之劇也蓋自宋以後也宋開寶中河決澶淵被數州藝祖詔緣河州縣準舊制藝桑棗外別課民樹榆柳爲河防又詔開封等十有七府府各置河防官一員佐使者行治河已又決陽武遣潁州團練使曹翰蒞其事又詔求素習河渠知疏導經久之策者封邱地當陽武下流其時或被其害然史冊未書是後決韓村決橫壟決大名館陶決澶州商胡口六塔二股紛紛議起其地皆在封邱東北二三百里封邱此時固應無害也至金世宗大定中封邱爲河水湮沒遷治於縣北之新城今土人猶名其地曰小城也元初新城又爲河水所壞復治舊城元成宗元貞二年九月河決封邱武宗至大二年七月己亥河

決封邱順帝至元元年閏十二月丁亥河決封邱至正十一年四月用賈魯議塞北河疏南河命魯以工部尙書充河防使發河南北兵民十七萬自黃陵岡南達白茅放于黃固哈只等口又自黃陵西至楊青村凡二百八十里有奇五閱月而諸埽堤成超授魯集賢大學士賜金帶銀幣立河平碑先是童謠云石人一隻眼挑動黃河天下反及魯治河果于黃陵岡得石人一眼而汝潁之兵起明洪武二十四年六月河決原武入淮三十五年決陽武東經開封城北五里二十九年六月又築河防三十年八月河決開封永樂九年三月命工部侍郎張信築濬魚王口封邱中灤城黃河舊岸二十餘里仍命尙書宋禮董其役大發河南民夫十萬浚治民皆給米鈔蠲戶內是年租稅宏治二年河決于家店又決原武支分爲三其一決封邱荆隆口其一出

中牟下尉氏其一溢蘭陽儀封考城歸德至宿州瀾漫四出不可禁議者至請遷河南行省避其害布政使徐恪持不可乃止朝廷以爲憂命戶部侍郎白昂治之昂舉兵部郎婁性協往乃築陽武長堤又疏月河十餘以殺其勢塞決口三十六由是河入淮而水患以寧時運道尙未損也六年夏大霖雨河水驟溢決大潭口由九家而東決韓家墳由荊隆口而下又決楊家口毋寺口併流北注封邱城邑田廬幾盡蕩沒而荊隆口一支尤甚直潰黃陵岡決張秋運河東岸併汶水奔注于海由是運道涸漕舟阻絕朝廷益以爲憂復命太監李典平江伯陳銳右都御史劉大夏督治之大夏等以爲黃陵岡在張秋之上而荊隆口又黃陵岡潰決之源築塞固不容緩然不可不先殺其勢遂鑿滎澤孫家口七十餘里導使南行由中牟至潁以入淮濬祥符四

府營淤河二十餘里由陳留至歸德瀧而爲二一由宿遷一由亳渦會于淮濬賈魯舊河四十餘里由曹縣糧進口出徐州運河以殺水勢其自黃陵岡以上悉用河南兵民夫匠卽以其方面官分統築臺捲埽五閱月乃塞初黃河諸口之塞惟黃陵岡屢塞而屢決功爲最難故既塞之後特築堤三重以護之其高各七丈厚半之又令副使張鼎于縣城南十里許築長堤闊一丈五尺高倍之起荊隆口歷黃陵岡迤邐東南直抵徐州使河行故道而下流張秋可無潰決之患矣至萬歷十五年秋月河決荊隆口水夜半突至聲如巨雷直衝封邱封邱全城幾沒壞民田廬無算三閱月乃堰崇禎四年五年復連決荊隆口直趨張秋至六年始塞

國朝順治七年決朱源寨封境全淪城不浸者三版邑令宋翔多方禦之民